



መታትው - በ፯

አዳም ወሠናይት ጽዕዱት ውብርህት እገቶሙ።
ለመላእክት ማርያምሰ ተሐቱ ውስተ ከርሡ ለአዳም
ከመ ባሕርይ ጸዓዳ እንተ ሠረፀት እምሥርወ እሴይ
ወተወልደት እምዘርዓ ዳዊት በምድረ ይሁዳ።

ልደታ ለማርያም - ዋይዜማ

ዋይዜማ

ቆምኪ ርእዮትኪ ፤ ወክሳድኪ ከመ እርማስቆስ ፤ እኅትነ
ይብልዋ መላእክት በሰማያት ፤ ስብሐት በሐዋርያት ፤
ኢያቄም ወለዳ ፤ ደብተራ ዘትዕይንት ጥዕምት በቃላ
ወሠናይት በምግባራ እግዝእትነ ማርያም።

ልደታ ለማርያም - ዋይዜማ

ምልጣን

ስብሐት በሐዋርያት ኢየቄም ወለዳ፤
ደብተራ ዘትዕይንት ኢየቄም ወለዳ፤
ጥዕምት በቃላ ኢየቄም ወለዳ።

ሰክሊ ለነ - በ፩

ሰክሊ ለነ ማርያም ፤ እንተ እግዚእ ኅረያ ፤
ሰክሊ ለነ ማርያም።

እግዚአብሔር ነግሠ

ኦ ማርያም መንከር ልደትኪ፤

ወዕጹብ ግብርኪ፤

ዓምደ እሳት ፆርኪ፤

ወልድኪ መድኃኔ ዓለም ዲበ ዕፅ ተቀነወ፤

ወዘተጼወወ ሕዝበ በደሙ ቤዘወ።

እግዚአብሔር ጸራሕኩ - በ፩

ዕፀ ጳጦስ ይእቲ እንተ በአማን፤

ይብልዋ ቅድስተ ቅዱሳን፤

ዕፀ ጳጦስ ይእቲ እንተ በአማን።

ልደታ ለማርያም - ዋይዜማ

ሠለስት

ስምዓኒ እግዚአብሔር ጸሎትህ ሃሌ ሉያ ፤ ወይብዳሕ ቅድሚክ
ገዓርያ ፤ ሃሌ ሃሌ ሉያ ፤ ወኢትሚጥ ገፀክ እምነየ
በዕለተ ምንዳቤየ አጽምእ ዕዝነክ ኃቤየ ፤ ሃሌ ሉያ አመ
ዕለተ እጼውአክ ፍጡነ ስምዓኒ ፤ ሃሌ ሃሌ ሉያ ፤
ለዓለም ወለዓለመ ዓለም። ያፍ ፀዓዳ ትመስለኒ ፤
እኅትህ መርዓት ማርያም ቅድስት ፤ እምዘመደሙ
ለካህናት፤

ዓዲ ሠለስት (ማርያምስ እሙኒ...)



ልደታ ለማርያም - ዋይዜማ

ሠለሰት

ስምዓኒ እግዚአብሔር ጸሎትህ ሃሌ ሉያ ፤ ሃሌ ሉያ ፤ ሃሌ ሉያ ፤ ወይብዳሕ ቅድሚክ ገዳር ፤ ሃሌ ሉያ ፤ ሃሌ ሉያ ፤ ወኢትሚጥ ገፀክ እምኔ በዕለተ ምንዳቤዩ አጽምኝ ዕዝነክ ኃቤዩ ፤ ሃሌ ሉያ ፤ ሃሌ ሉያ ፤ ሃሌ ሉያ አመ ዕለተ እጼውአክ ፍጡነ ስምዓኒ ፤ ሃሌ ሉያ ፤ ሃሌ ሉያ ፤ ለዓለም ወለዓለመ ዓለም። ማርያምስ እሙኒ ወአመቱኒ በትረ አሮን እንተ ሠረፀት ዘንበለ ተከል።

ይትባረክ

እግዝእትየ እብላኪ ወእመ ለእግዚእየ፤
እብላኪ ቃል ቅዱስ ኀደረ ላዕሌኪ።

ልደታ ለማርያም - ዋይዜማ

ሰላም - በ፫

ወኩሉ ነገራ በሰላም ወኩሉ ነገራ በሰላም፤

ሰላማዊት ይብልዋ ለቅድስተ ቅዱሳን ፤

ወኩሉ ነገራ በሰላም ወኩሉ ነገራ በሰላም፤

ጥዕምት በቃላ ወሠናይት ምግባራ፤

ወኩሉ ነገራ በሰላም ወኩሉ ነገራ በሰላም፤

ንጽሕት ይእቲ በድንግልና አልባቲ ሙስና ዕራቁ ደመና፤

ወኩሉ ነገራ በሰላም ወኩሉ ነገራ በሰላም፤

ማርያም ታዕካ በምድር ወታዕካ በሰማይ፤

ዓዲ ሰላም (አንጺሐ ሥጋሃ ...)



ሰላም

አንጺሐ ሥጋሃ ኀደረ ላዕሌሃ ወተወልደ እምኔሃ ፍሥሐ
እምሥርወ እሴይ እምዘርዓ ዳዊት እምዘመደሙ
ለካህናት እንተ ሠረፀት ለሕይወት ሰላማዊት ጽርሕት
ንጽሕት ደብተራ ፍጽምት እኅቶሙ ለመላዕክት።

ወረብ

ጽርሕ ንጽሕት ሰላማዊት
ደብተራ ፍጽምት ፤ ለመላእክት እኅቶሙ።

ማገልጽ

ልደታ ለማርያም - ማኅሌት

ሚካኤል ሊቀ መላእክት ሰአል በእንቲአነ፤

ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን ፣ ሰባሕያን ወመዘምራን፤

ሰአሉ በእንቲአነ፤

፳ወ፬ቱ ካህናተ ሰማይኒ አእርጉ ጸሎተነ።

ነቢያት ወሐዋርያት ፣ ጸድቃን ወሰማዕት፤

ሰአሉ በእንቲአነ፤

ምስሌክሙ ከመ ይክፍለነ ፣ መክፈልተ ወርሱተ ለኩልነ።

ልደታ ለማርያም - ማኅሌት

ማኅበረ ቅዱሳን ወሰማዕት ሰክሊ በእንቲአነ፤

መላእክተ ሰማይኒ አእርጉ ጸሎተነ።

ማርያም እግዝእትነ ወላዲተ አምላክ ሰክሊ በእንቲአነ፤

እስመ ረከብኪ ሞገሰ በኅበ እግዚአብሔር።

ረከብኪ ሞገሰ መንፈሰ ቅዱሰ ወኃይለ ሰክሊ አስተምሕሪ
ለነ ማርያም ወልድኪ ሣህሎ ይክፍለነ።

ኀብ ተርኅወ ገነት ወኀብ ተነፅፈ ዕረፍት ይክፍለነ
ነሃሉ ውስተ በዓቶሙ ለቅዱሳን። ፫ ጊዜ

◀◀◀ ጸሎት ▶▶▶

ልደታ ለማርያም - ማኅሌት

መሪና ተመሪ

ስምዓኒ እግዚአብሔር ያለኝ ሃሌ ሉያ ሃሌ ሉያ
ወይብዳሕ ቅድሚኔ ገዢ ሃሌ ሉያ ሃሌ ሉያ
ወኢትሚጥ ገደክ እምኔ።

አንሺ

ስምዓኒ እግዚአብሔር ያለኝ ሃሌ ሉያ ሃሌ ሉያ
ወይብዳሕ ቅድሚኔ ገዢ ሃሌ ሉያ ሃሌ ሉያ
ወኢትሚጥ ገደክ እምኔ።

ተመሪ

በዕለተ ምንዳቤየ አፅምኔ እዝነከ ኀቤየ

ሃሌ ሉያ ሃሌ ሉያ

አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ

በጎብረት

ለዓለም ወለዓለም።

ሃሌ ሉያ ዘውእቱ ብሂል፤

ንወደሶ ለዘሀሎ እግዚአብሔር ልዑል፤

ስቡሕ ወውዱስ ዘሣረረ ኩሎ ዓለመ በአሐቲ ቃል።

ልደታ ለማርያም - ማኅሌት

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብጻሕ ቅድሚክ ገዓርህ ሃሌ ሉያ ሃሌ ሉያ
ወኢትሚጥ ገጸክ እምኔህ።

በዕለተ ምንዳቤህ አፅምኝ እዝነክ ኅቤህ ሃሌ ሉያ ሃሌ ሉያ
አመ ዕለተ እጼውዓክ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።

ሁለተኛ ማንኛ ሃሌ ሉያ ዘውእቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወውዱስ ዘሣረረ ኩሎ ዓለመ በአሐቲ ቃል።

በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪያ፤

እንዘ እብል ከመዝ ጸወንየ ወኰኩሐየ፤

ወታድኅነኒ ሊተ እም እደ ጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሐይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪያ።

ልደታ ለማርያም - ማኅሌት

ሚካኤል መልአክ ሰአል ወጸሊ በእንቲአነ፤ ወበእንተ ነፍሰ ዙልነ ፤ መልአኪያ ይበሌሎ፤ እመላእክት ሠምሮ መልአክ ኪዳኑ ለክርሰቶስ።

ሰላም ለክመ. ማኅበረ መላእክት ትጉሃን፤

ሰላም ለክመ. ማኅበረ ነቢያት ቅዱሳን፤

ሰላም ለክመ. ማኅበረ ሐዋርያት ፍንዋን፤

ሰላም ለክመ. ማኅበረ ሰማዕት ወጸድቃን፤

ሰላም ለክመ. ማኅበረ ሥላሴ ግብኝን፤

ወሰላም ለማርያም ዘእሳት ክዳን።

ልደታ ለማርያም - ማኅሌት

ማኅበረ መላእክት ወሰብኦ ተክይኑ ክርስቶስ ወኒሙ፤
ሰላም ለክሙ ሶቦ እከሰት አፉየ ለውዳሴክሙ፤
ፍሬ ማኅሌት እምልሳንየ ትቅሰሙ፤
ምስሌየ ሀልዉ ወምስሌየ ቁሙ።

ልደታ ለማርያም - ማኅሌት

ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘአካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኩር ኩሉ፤

ጽሑፋን መልክእ ወስም በሰማይ ዘላዕሉ።

ልደታ ለማርያም - ማኅሌት

ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጳድቃን ሰላም።

ልደታ ለማርያም - ማኅሌት

ሰላም ለአብ ዘኢምቅድመ ዓለም ነጋሢ፤

ለወልድ ሰላም ሥጋ ማርያም ለባሰ፤

ወለመንፈስ ቅዱስ ሰላም ኃጢአተ ዓለም ደምሳሰ።

ኃይልየ ሥላሴ ወደወንዩ ሥላሴ፤

በሰመ ሥላሴ እቀጠቅጥ ከይሴ።

ነግሥ

ሰላም ለኩልያቲክሙ እለ ዕሩያን በአካል፤
ዓለመክሙ ሥላሴ አመ ሐወጸ በሣህል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበ ቀራንዮ ተተክለ መድኃኒት መስቀል።

ዚቅ

ለማርያም ዘምሩ ፤ ለማርያም ዘምሩ፤
መስቀሎ ለወልድ እንዘ ትጸውሩ።

ልደታ ለማርያም - ማኅሌት

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል፤

ወሰላም ለቅዳሴክሙ

ትጉጎን ሰማይ ዝክሩን በጸሎትክሙ።

ልደታ ለማርያም - ማኅሌት

ሰላም ለክሙ ሚካኤል ወገብርኤል፤
ሱራፌል ወኪሩቤል ፤ ዑራኤል ወሩፋኤል፤
ሱርያል ወፋኑኤል ፤ አፍኒን ወራጉኤል ወሳቁኤል፤
ሊቃናተ ነድ ፤ ዘሰማያዊት ማኅፈድ፤
በእንተ በግዑ ዕቀብዋ ለዛቲ ዓፀድ።

ልደታ ለማርያም - ማኅሌት

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል።

ወሰላም ለከናፍሪክሙ፤

ከመ ትዕቀቡን ተማኅፀን ለክርስቶስ በደሙ።

ሚካኤል ወገብርኤል ሱራፌል ወኪሩቤል
እለ ትሴብሕዎ መላእክተ ሰማይ ሰአሉ ለነ
አስተምሕሩ ለነ ፤ ቅድመ መንበሩ ለእግዚእነ።

ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርዕሰነ ከልል።

ልደታ ለማርያም - ማኅሌት

ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲአትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፀንፅ ኑታ ወግድማ።

ልደታ ለማርያም - ማኅሌት

ሰላም ለሚካኤል ዘነድ ሠራጉ፤

ይትከሃን ወትረ በበምስዋዒሁ፤

እምቅዱሳን አሐዱ እምእለ ይተግሁ፤

ሐዋዝ በእርያም መኃልይሁ፤

ነጐድጓደ ሰብሐት ግሩመ ይደምፅ ጉህናሁ።

መልክክ ሚካኤል

ሰላም ለልሳንክ መዝሙረ ቅዱሴ ዘነበልባል፤
ወለድምፀ ቃልክ ሓዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።

ዚቅ

ተውህቦ ምሕረት ለሚካኤል፤

ወብሥራት ለገብርኤል፤

ወኃብተ ሰማያት ለማርያም ድንግል።

ልደታ ለማርያም - ማኅሌት

ንዌጥን ዝክረ ውዳሴሆሙ ለነቢያት ወሐዋርያት፤
ለጳድቃን ወሰማዕት፤
ለአእላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።

ንዌጥን ዝክረ ወድሶታ ለመንፈሳዊት ርግብ፤
ዘመና ልሁብ፤
እምከናፍሪሃ ይውኅዝ ሐሊብ፤
ተፀውረ በማኅፀና እሳት ዘኮሬብ፤
ወኢያውኢያ ነድ ወላህብ።

ልደታ ለማርያም - ማኅሌት

ማኅፀንኪ እግዝእትየ ማርያም ይከብር ምስብዒት፤
እምጽርሐ ኦርያም ዘላዕሉ ወእምኪሩቤል ትርብዕት፤
፱ተ አውራጃ ወሐምስተ ዕለት፤
ፆረ ዘኢይፀወር መለኮት፤
አግመረ ዘኢይትገመር እሳት።

ላይ ቤት በተቆመ ጊዜ የሚባል

ይትባረክ ስምኪ ማርያም ዘአውጸእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ኅላቋሆሙ አእላፍ፤

እምሳለ ደመና ይኬልሉኪ በክንፍ።

ቀጥለህ “ለዝክረ ስምኪ ዘመንክር ጣዕሙን” በል

በታች ቤት ይኸንን በል

ምንተ አአሰዮ ለእግዚአብሔር አሐተ፤
በእንተ ኩሉ ዘገብረ ሊተ፤
ርሰዱኒ እሙ አሰምሮ ግብተ፤
ማርያም እግዝእትዮ ዘሜጥኪ እሳተ፤
ድኅረ በጽሐ ልሣኑ ዘለኪ ቤተ።

ልደታ ለማርያም - ማኅሌት

ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰዩ በኪዳንኪ ውኩፍ፤

ኢይትጎፈር ቅድመ ወልድኪ ወመላእክቲሁ አእላፍ፤

አመ ሥርወ ልሳን ይትገዘም ወይትሐተም አፍ።

ልደታ ለማርያም - ማኅሌት

ሰላም ለዝክረ ስምኪ ዘመንክር ጣዕሙ፤

ለወልድኪ አምሳለ ደሙ፤

መሠረተ ሕይወት ማርያም ወጥንተ መድኅኒት
ዘእምቀዱሙ፤

ኪያኪ ሠናይተ ዘፈጠረ ለቤዛ ዓለሙ፤

እግዚአብሔር ይትባረክ ወይትአኩት ስሙ።

ልደታ ለማርያም - ማኅሌት

ዚቅ

ወመሠረቱ ወመሠረቱ ለዓለም አንቲ፤
ዕጓለ አንበሳ ዕጓለ አንበሳ በከርሰኪ ያርኪ፤
እምአንሰት ቡርክት አንቲ።

ወረብ

ቡርክት አንቲ እምአንሰት
እምአንሰት ቡርክት አንቲ /፪ /
ዕጓለ አንበሳ / ፫/ በከርሥኪ ያርኪ / ፬/

ዓዲ ዚቅ (ይትባረክ እግዚአብሔር...)



ልደታ ለማርያም - ማኅሌት

ዓዲ ዚቅ

ይትባረክ እግዚአብሔር ወይትአኩት ሰሙ ኪያኪ
ሠናይተ ዘፈጠረ ለቤዛ ብዙኃን። እስመ መሠረት አንቲ
ለሕይወተ ኩሉ ዓለም ፤ ማርያም እምነ ወእመ
ለእግዚእነ ሰአሊ በእንቲአነ።

ነግሥ

፪ኤቱ አዕሩግ አመ በከዩ ብካየ፤

ረከቡ ወለተ ዘታስተሠሪ ጌጋየ፤

ለወንጌላውያን ኩልነ ዘኮነተነ ምጉያየ፤

ኢያቄም ወሐና ወለዱ ሰማየ፤

ሰማዮሙኒ አሥረቀት ፀሐየ።

ልደታ ለማርያም - ማኅሌት

ዚቅ

ምስራቀ ምስራቃት መጻክ ፀሐይ፤

እግዝእትዮ ዘመና መዳይ፤

ተወልደት ዮም ዳግሚት ሰማይ።

ወረብ

ምስራቀ ምስራቃት ማርያም መጻክ ፀሐይ

እግዝእትዮ ዘመና መዳይ (፪)

ዮም ተወልደት ተወልደት ዳግሚት ሰማይ። (፪)

ልደታ ለማርያም - ማኅሌት

መልክክ ማርያም

ሰላም ሰላም ለዝክረ ስምኪ ሐዋዝ፤

እምነ ከልበኔ ወቀራሰጥ ወእምነ ሰንበልት ምዑዝ፤

ማርያም ድንግል ለባሲተ ዓቢይ ትእዛዝ፤

ይሰቅየኝ ለለጽባሁ ወይነ ፍቅርኪ አዚዝ፤

ከመ ይሰቅዮ ውሒዝ ለሠናይ አርዝ።

ልደታ ለማርያም - ማኅሌት

ዚቅ

በሐኪ ማርያም ዘገነት ኮል፤

ዕፀ ጳጦስ መዝገቡ ሊቃል፤

ዕለተ ልደትኪ ዮም በጽድቅ ናብዕል።

ወረብ

በሐኪ ማርያም ማርያም ዘገነት ኮል፤

ዕፀ ጳጦስ ዕፀ ጳጦስ መዝገቡ ሊቃል።

ልደታ ለማርያም - ማኅሌት

መልክክ ማርያም

ሰላም ለልሳንኪ መኃዘ ኅሊብ ወመዓር፤

ዘተነብዮ ወፍቅር፤

ማርያም ድንግል ወለተ ድኅኃን አድባር፤

ኅብዕኒ እምአይነ ፀር ወአንጽሕኒ እምነውር።

እስመ ተስፋዩ አንቲ በሰማይ ወምድር።

ዚቅ

መሠረታቲሃ ውስተ አድባር ቅዱሳን፤
ወብእሲ ተወልደ በውስቴታ።

ወረብ

መሠረታቲሃ መሠረታቲሃ ውስተ አድባር ቅዱሳን፤
ወብእሲ ተወልደ በውስቴታ በውስቴታ ተወልደ ።

ልደታ ለማርያም - ማኅሌት

መልክክ ማርያም

ሰላም ለአእዳውኪ እሳተ መለኮት እለ ገሠሣ፤
አውቃፈ ብሩር ወወርቅ ለሥርጋዌሆን ኢታሠሣ፤
ማርያም ድንግል ለመካን ሕንባብ ከርሣ፤
አንጽሕኒ እግዝእትየ ለፍትወተ ዓለም እምርኩሳ፤
በዲበ ሥጋየ ኢትንበር ነጊሣ።

ዚቅ

ኦ ድንግል አኮ በፍትወተ ደነሰ ዘተፀነሰኪ፤
አላ በሩካቤ ዘበሕግ እምሐና ወኢያቄም ተወለድኪ።

ወረብ

እምሐና ወኢያቄም እምሐና ወኢያቄም ተወለድኪ
አላ በሩካቤ አላ በሩካቤ።

ልደታ ለማርያም - ማኅሌት

መልክክ ማርያም

ሰላም እብል ለድንግልናኪ ዕጽው፤

እንተ እምኔህ ሠረቀ ፀሐየ መለኮት ኅትው፤

ማርያም ድንግል ዘሥነ ንጽሕኪ ፍትው፤

ለኅዲር በበፍናው በአኅጉር ወበድው፤

ዕቀብኒ ወለቶሙ ለኄራን አበው።

ልደታ ለማርያም - ማኅሌት

ዚቅ

ወለቶሙ ለነቢያት ይእቲ ማርያም፤

እሞሙ ለሐዋርያት ይእቲ ማርያም፤

ደብተራ ፍጽምት እንተ ኢገብራ ዕደ ሰብእ፤

ዕጹብ ግብረ መናሥግተ ሥጋ ኢያርኃወ ዕጹብ ግብረ።

ወረብ

ወለቶሙ ለነቢያት እሞሙ ለሐዋርያት ይእቲ ማርያም

ደብተራ ፍጽምት ደብተራ እንተ ኢገብራ ዕደ ሰብእ።

ልደታ ለማርያም - ማኅሌት

መልክክ ማርያም

በዝንቱ ቃለ ማኅሌት ወበዝንቱ ይባቤ፤
ለዘይሰጸለኪ ብጸሲ ጊዜ ረከቦ ምንዳቤ፤
ብጽሐ ፍጡነ ትሰጠዊዮ ዘይቤ፤
ማርያም ዕንቀሥ ክርስቲሎቤ፤
ወምዕዝተ ምግባር እምክርቤ፤
ዘጸገዮ ማሕፀንኪ አፈወ ነባቤ።

ልደታ ለማርያም - ማኅሌት

ዚቅ

ርግብ ጸዓዳ ዘዕንቑ ድዳ፤

ወዘጳዝዮን ማኅፈዳ፤

ተወልደት ዮም በምድረ ይሁዳ።

ወረብ

ርግብ ጸዓዳ ዘዕንቑ ድዳ ወዘጳዝዮን ማኅፈዳ ወዘጳዝዮን

ዮም ተወልደት በምድረ ይሁዳ፤

ይሁዳ በምድረ ይሁዳ ተወልደት።

ልደታ ለማርያም - ማኅሌት

ማሥረቂያ

ሰላም ለልደትኪ እማኅጸነ ድክምት ሥጋ፤
ድኅረ ኅለፋ ውርዘት ወድኅረ ትክቶ ኃደጋ፤
ማርያም ሥመሪ ወጸሐቂ እንበለ ንትጋ፤
ለማየ ንጽሕኪ ትረስዬኒ ፈለጋ፤
እስመ ንጽሕ ይሁብ ሞገሰ ወጸጋ።

ልደታ ለማርያም - ማኅሌት

ዚቅ

ሐመልማላዊት ሐመልማላይት ሐመልማላይት ዕፅ ሙሴ
ዘርእያ በደብረ ሲና፤

እግዝእትዮ ሙዳዩ ለመና፤

ተወልደት ዮም እምነ ኢያቄም ወሐና።

ወረብ

ሐመልማላዊት ሐመልማላዊት ዕፅ ሙሴ ዘርእያ በደብረ
ሲና፤

ተወልደት ዮም እምነ ኢያቄም ወሐና።

ልደታ ለማርያም - ማኅሌት

ምልጣን

የ-ም ፍሥሃ ኮነ በእንተ ልደታ ለማርያም እምሐና
ወኢያቄም ፤ ከመ ትቤዙ ነቢያተ ወጻድቃነ ፤
አማን ተወልደት እመብርሃን።

አመላለስ

አማን በአማን አማን በአማን፤
ተወልደት እመብርሃን ተወልደት እመብርሃን።

ወረብ

ኮነ የ-ም ኮነ የ-ም በእንተ ልደታ ለማርያም፤
ከመ ትቤዙ ነቢያተ ወጻድቃነ ነቢያተ ከመ ትቤዙ።

እስመ ለዓለም

ልሳንዩ ላዕላዕ ይሴብሐኪ ፤ እግዝእትዩ እብለኪ፤ አዳም
ንባብኪ ፤ ወመሠረቱ ወመሠረቱ ለዓለም አንቲ ፤ ዕጓለ
አንበሳ ዕጓለ አንበሳ በከርሥኪ ያርኪ ፤ እምአንሰት
ቡርክት አንቲ ፤ ለመሠረትኪ የኃትዎ ዕንቀዞ ክቡር ፤
አንቲ ውእቱ መንፈሳዊት ሀገር ንጽሕት ፀምር ፤
ዘኃረያ ጸባዖት አማኑኤል።

አመላለሽ

አንቲ ውኃቱ መንፈሳዊት ሀገር ንጽሕት ፀምር፤
ዘኃረያ ጸባዖት አማኑኤል።

እስመ ለዓለም

ልሳንዩ ላዕላዕ ይሴብሐኪ ፤ እግዝእትዩ እብለኪ፤ አዳም
ንባብኪ ፤ ወመሠረቱ ወመሠረቱ ለዓለም አንቲ ፤ ዕጓለ
አንበሳ ዕጓለ አንበሳ በከርሥኪ ያርኪ ፤ እምአንሰት
ቡርክት አንቲ ፤ ለመሠረትኪ የኃትዎ ዕንቀኑ ክቡር ፤
አንቲ ውእቱ መንፈሳዊት ሀገር ንጽሕት ፀምር ፤
ዘኃረያ ጸባኦት አማኑኤል።

ሃሌ ሉያ ይትፌሳሕ ልብኪ ኦ ድንግል ወይትሌዓል
ቀርንኪ በክብር ሰማይ ዳግሚት ብኪ ድኅነ ዓለም
ወበወልድኪ ኮነ ሰላም።

ምንጮች

ዝክረ ቃል - መጽሐፍ

መጽሐፈ ሰዓታት ከነምልክቱ - መጽሐፍ

www.ethiopianorthodox.org

Lidetamaryam Church - facebook

Aesthawos - facebook

ኦርቶዶክስ ተዋህዶ ለዘለዓለም ትኑር - facebook

ደብረ ብሥራት ቅዱስ ገብርኤል ካቴድራል - ላስቬጋስ - youtube

የእመቤታችን ቅድስት ንጽሕት ንግሥት ድንግል ማርያም በረከቷና ምልጃዋ ከሁላችንም ጋራ ይኑር። ምሥጋና ለአብ
ለወልድ ለመንፈስ ቅዱስ ይገባል። ዛሬም ለሚመጣውም ለዘለዓለሙ አሜን።
መልካም በዓል!!!

ጌታሁን ተሾመ
{ኃይለ ገብርኤል}
ግንቦት ፪፻፲፯ ዓ.ም
Getahun Teshome
May, 2025
Pickerington, Ohio USA

(614)432-5844
bereded62@gmail.com
<https://www.mytewahdo.org>